

全唐詩話

全

唐

詩

話

原序

余少有詩癖歲在甲午奉祠湖曲日與四方勝游專意吟事大槩與唐人詩誦之尤習間又褒話錄之纂記益朋友之見聞彙而書之名曰全唐詩話未幾馳驅于外此事便廢爾來三十有八年矣今又蒙恩便養湖曲因理故篋復得是編披覽慨然恍如疇昔浩譌縱談時也唐自貞觀來雖尚有六朝聲病而氣韻雄深駸駸古意開元元和之盛遂可追配風雅迨會昌而後刻露華靡盡矣徃逞觀世變者於此有感焉徒詩云乎哉咸淳辛未重陽日遂初堂書

海昌袁君佐鐫字

重訂全唐詩話序

全唐詩話六卷宋尤文簡公所編首列諸帝下逮方外
閨媛有唐三百年之風雅撮其片羽點斑犁然有當於
人心則因詩纂話固寓作史之微意焉聞之唐詩有初
盛中晚之分或以世次或以詩以人本無定論嚴滄浪
獨以盛唐為宗而高廷禮李西涯輩推重之是編所錄
雖薈萃一代而序意歸美盛唐殆與滄浪默相符契乎
其不及李杜二公者又似用王臨川百家詩選例也慨
舊本流傳魯魚亥豕觸目頗多余心痂索居披覽而刊
其謬即不至誤改金根而如吳淑之為校理遇樂府中

全唐言言
一
摻字多改為操我未能免祇以手錄一通藏之敝篋爰
應友人之請重付剞劂夫唐以詩主人物而運會隨之
讀是編者其於初盛中晚之分亦可恍然有得矣
乾隆甲午七夕浙西語水孫濤樂山氏書

續輯弁言

甲午夏杪以手鈔全唐詩話六卷重付開雕因憶余目之所見集中有未盡搜羅者遂信手拈而續之凡原集載其人而遺其事者續為卷七其人與事之俱未及載者續為卷八案陳直齋書錄解題云尤延之尚書家有遂初堂藏書為近世冠是其采輯之富有所自來夫豈患掛漏與擇焉既精自不以多為善漫為加輯其能免續貂之誚乎獨是李義府高駢之輩編入集中未嘗因人而廢若經文緯武忠義丕著如張巡為有唐一代之偉人者集中未見不無遺憾巡本盛唐人茲取以冠篇

蓋儒者效法古人仰如泰山北斗當以志節經濟為上
至所謂王楊盧駱當肯體輕薄為文哂未休者殆卑之
無甚高論也審乎此而讀全唐詩話亦足為座右之一
助云爾孫濤又書

全唐詩話目錄

卷一

太宗

高宗

中宗

元宗

德宗

文宗

宣宗

昭宗

武后

徐賢妃

上官昭容

孔紹安

虞世南

魏徵

李百藥

長孫無忌

金唐言言卷一
王勃

馬周

李義府

杜淹

蘇味道

駱賓王

陳子昂

李日知

李景伯

崔融

李適

徐彥伯

李嶠

蘓頲

沈佺期

李行言

張元一

劉希夷

張敬忠

張說

宋璟

王灣

姚崇

趙仁獎

金昌緒

張九齡

王維

王縉

賀知章

李嘉祐

張均

王諲

孟浩然

陶峴

王昌齡

李清

韓滉

王之渙

全唐詩話目錄

全唐詩話卷之一

宋無錫尤

袁延之輯

石門孫

濤建峯訂

太宗

貞觀六年九月帝幸慶善宮帝生時故宅也因與貴臣
晏賦詩起居郎請平宮商被之管絃命曰功成慶善
樂使童子八佾為九功之舞大宴會與破陣舞偕奏
於庭

帝嘗作宮體詩使虞世南賡和世南曰聖作誠工然髴

非雅正上有所好下必有甚焉恐此詩一傳天下風靡不敢奉詔帝曰朕試卿爾後帝為詩一篇述古興亡既而嘆曰鍾子期死伯牙不復鼓琴朕此詩何所示耶敕褚遂良即世南靈座焚之

貞觀二十年秋帝幸靈州時破薛延陀回紇諸部遣使入貢乞置官司上為詩序其事曰雪恥酬百王除凶報千古公卿請勒石于靈州從之

高宗

太平公主武后所生后愛之傾諸女帝擇薛紹尚之假萬年縣為婚館門隘不能容翟車有司毀垣以入自

興安門設燎相屬道樾為枯當昔羣臣劉禕之詩云
夢梓光青陞穠桃藹紫宮元萬頃云離元應春夕帝
子降秋期任奉古云帝子升青陞王姬降紫宸郭正
一云桂宮初服冕蘭掖早生筭皆納妃出降之意也

中宗

九月九日幸臨渭亭登高作云九日正乘秋三杯興已
周泛桂迎罇滿吹花向酒浮長房萸早熟彭澤菊初
收何藉龍沙上方得恣淹留時景龍三年也序云陶
潛盈把既浮九醞之歡畢卓持螯須盡一生之興人
題四韻同賦五言其最後成罰之引滿

韋安石得枝字云金風飄菊蕊玉露泣萸枝
蘓瓌得暉字云恩深答效淺留醉奉宸暉

李嶠得歡字云令節三秋晚重陽九日歡

蕭至忠得餘字云寵極萸房遍恩深菊酌餘

竇希珍得明字云九辰陪聖膳萬歲奉承明

韋嗣立得深字云願陪歡樂事長與歲皆深

李迥秀得風字云霽雲開曉日仙藻麗秋風

趙伯彥得花字云簪挂丹萸藥杯涵紫菊蕊

楊廉得亭字云遠日瞰秦堦重陽坐灞亭

岑羲得渼字云爰豫矚秦堦昇高臨灞渼

盧藏用得開字云萸依珮裏發菊向酒邊開
李咸得直字云菊黃迎酒泛松翠凌霜直
閻朝隱得筵字云簪紱趨皇極笙歌接御筵
沈佺期得長字云臣歡重九慶日月奉天長
薛稷得歷字云願陪九九辰長奉千千歷
蘇頲得時字云年數登高日延齡命賞嘗
李乂得濃字云捧筐萸香遍稱觴菊氣濃
馬懷素得酒字云蘭將葉布席菊用香浮酒
陸景初得臣字云登高載漢苑問道侍軒臣
韋元旦得月字云雲物開千里天行乘九月